

গণপ্রজাতন্ত্রী বাংলাদেশ সরকার  
উপপরিচালকের কার্যালয়, মৎস্য অধিদপ্তর  
ময়মনসিংহ বিভাগ, ময়মনসিংহ  
উপপরিচালকের দপ্তর  
fisheries.mymensinghdiv.gov.bd

সুশাসন প্রতিষ্ঠার নিমিত্ত অংশীজনের অংশগ্রহণে অনুষ্ঠিত ৩য় ত্রৈমাসিক সভার কার্যবিবরণী

সভাপতি	মোঃ জাহাঙ্গীর আলম উপপরিচালক
সভার তারিখ	২৯ মার্চ ২০২৩ খ্রি.
সভার সময়	সকাল ৯:৩০ ঘটিকা
স্থান	সম্মেলন কক্ষ, উপপরিচালকের কার্যালয়, মৎস্য অধিদপ্তর, ময়মনসিংহ বিভাগ ও জুম প্রাটফর্ম
উপস্থিতি	পরিশিষ্ট 'ক'

উপস্থিত সকলকে স্বাগত জানিয়ে সভা শুরু করা হয়। সভাপতির অনুমতিক্রমে সহকারী পরিচালক, উপপরিচালকের কার্যালয়, মৎস্য অধিদপ্তর, ময়মনসিংহ বিভাগ, ময়মনসিংহ সভায় জানান সুশাসন প্রতিষ্ঠার নিমিত্ত অংশীজনের অংশগ্রহণে ২৭ ডিসেম্বর ২০২২ খ্রিস্টাব্দে অনুষ্ঠিত ২য় সভার কার্যবিবরণী সংশ্লিষ্ট সকল জেলা কার্যালয়ে প্রেরণ করা হয়েছে। উক্ত কার্যবিবরণীর উপর কোন সংশোধনী প্রস্তাব থাকলে তা উপস্থাপনের জন্য জেলা মৎস্য কর্মকর্তাগণকে অনুরোধ জানানো হয়। এ প্রেক্ষিতে সভায় উপস্থিত/সংযুক্ত জেলা মৎস্য কর্মকর্তাগণ কার্যবিবরণী পেয়েছেন এবং কোন সংশোধনী নেই মর্মে সভাকে অবহিত করেন। কোন সংশোধনী না থাকায় বিগত সভার কার্যবিবরণী সর্বসম্মতিক্রমে নিশ্চিত করা হয়।

পূর্ববর্তী সভায় গৃহীত সিদ্ধান্তের বাস্তবায়ন অগ্রগতি জানতে চাওয়া হলে জেলা মৎস্য কর্মকর্তাগণ স্ব-স্ব কার্যালয়ে সেবা প্রদানের ক্ষেত্রে সেবা প্রদান প্রতিশ্রুতির যথাযথ অনুসরণ হচ্ছে মর্মে সভাতে অবহিত করেন।

মৎস্যসাথে সুশাসন প্রতিষ্ঠার লক্ষ্যে সেবা প্রদানের ক্ষেত্রে সংশ্লিষ্ট আইন, বিধি, নির্দেশনা, নীতিমালা, সিটিজেন্স চার্টার, অবিয়োগ প্রতিকার ব্যবস্থা, তথ্য অধিকার আইন ২০০৯ অনুসারে তথ্য প্রদান ও প্রাপ্তি বিষয়ে আলোচনা করা হয়। সভায় সরাসরি ও অনলাইনে সংযুক্ত সকল অংশীজনকে মৎস্যসাথে সুশাসন প্রতিষ্ঠার সাথে সংশ্লিষ্ট বিষয় ও প্রদত্ত সেবাসমূহ প্রাপ্তিতে তাদের মতামত/বক্তব্য প্রদানের অনুরোধ করা হয়।

ময়মনসিংহ জেলার হালুয়াঘাট উপজেলার মৎস্যচাষি জনাব নজরুল ইসলাম তার বক্তব্যে উপজেলা মৎস্য কর্মকর্তার কার্যালয় হতে প্রাপ্ত সেবায় সন্তোষ প্রকাশ করার পাশাপাশি জনবল বৃদ্ধির অনুরোধ জানান। বিষয়টি উর্ধ্বতন কর্তৃপক্ষের নজরে রয়েছে মর্মে সভাপতি তাকে অবহিত করেন।

এশিয়া সাইনটফিক ফিস হ্যাচারির স্বত্বাধিকারী জনাব রফিকুল ইসলাম মৎস্য অধিদপ্তরের মাধ্যমে উন্নত কৌলিতাত্ত্বিক গুণসম্পন্ন বুড মাছ সরবরাহের অনুরোধ করেন। এর পরিপ্রেক্ষিতে সভাপতি মৎস্য হ্যাচারি আইন ও বিধিমালা অনুসরণ পূর্বক হ্যাচারি পরিচালনার পরামর্শ প্রদান করেন এবং বিষয়টি উর্ধ্বতন কর্তৃপক্ষকে জানানোর আশ্বাস ব্যক্ত করেন।

সিনিয়র উপজেলা মৎস্য কর্মকর্তা, ইসলামপুর, জামালপুর জনাব কামরুল হাসান প্রান্তিক মৎস্যচাষিগণের সুবিধার্থে উপজেলা পরিষদের কোন দৃষ্টিগ্রাহ্য স্থানে সাইনবোর্ড স্থাপনের মাধ্যমে পরামর্শ কেন্দ্র/সেবা কেন্দ্র স্থাপনের মাধ্যমে সেবা সহজীকরণে মতামত ব্যক্ত করেন।

জনাব মোঃ আমিনুল হক, জেলা মৎস্য কর্মকর্তা, শেরপুর তাঁর বক্তব্যে শ্রীবর্দী উপজেলা তথা শেরপুর জেলায় কার্পজাতীয় মাছের পোনার সংকট নিরসনে ইন্দিলপুর মিনি হ্যাচারির অবকাঠামোগত সংস্কারের পক্ষে মত দেন। এ প্রেক্ষিতে সভাপতি একটি পরিবর্তন/ক্ষীম প্রণয়ন পূর্বক তাঁর কার্যালয়ে প্রেরণের নির্দেশনা দেন।

জনাব দিলীপ কুমার সহ, জেলা মৎস্য কর্মকর্তা, ময়মনসিংহ কৃষি বাজেট, কৃষকের বাজেট অনুষ্ঠানে জেলা প্রশাসক, ময়মনসিংহ প্রদত্ত বক্তব্য উল্লেখ পূর্বক বিগত ডিসি সম্মেলনে কৃষি সেক্টরের ন্যায্য মৎস্য সেক্টরের বিদ্যুৎ বিল নির্ধারণে মাননীয় প্রধানমন্ত্রীর স্বীকৃতি জ্ঞাপনের বিষয়টি উল্লেখ করেন এবং বিষয়টি সুরাহার ক্ষেত্রে সভাপতির মাধ্যমে উর্ধ্বতন কর্তৃপক্ষের আশু দৃষ্টি কামনা করেন। সভাপতি মহোদয় প্রধান কার্যালয়ে অনুষ্ঠিতব্য পরবর্তী মাসিক সভায় বিষয়টি আলোচনার আশ্বাস প্রদান করেন।

আলোচনায় বিভাগের বিভিন্ন কার্যালয়ে কর্মরত কর্মকর্তাগণ প্রার্থী জিপিএফ অগ্রীম, অর্জিত ছুটি, পেনশন-পিআরএলসহ সংশ্লিষ্ট অভ্যন্তরীণ সেবাসমূহ দ্রুত প্রক্রিয়াকরণের অনুরোধ করেন। সুশাসন প্রতিষ্ঠার নিমিত্ত কর্মরত সকল কর্মচারিকে জনবান্ধব আচরণ, সরকারি অধি-বিধির পরিপূর্ণ অনুসরণের উপর সভাপতি মহোদয় গুরুত্ব আরোপ করেন। বিভাগীয় সেবা প্রদানের ক্ষেত্রে সংশ্লিষ্ট আইন-বিধি, নির্দেশনা, সেবা প্রদান প্রতিশ্রুতি বিধৃত সময় ও পন্থা অনুসরণে উপস্থিত সকলে একমত পোষন করেন।

বিস্তারিত আলোচনান্তে সর্বসম্মতিক্রমে নিম্নলিখিত সিদ্ধান্তসমূহ গৃহীত হয়।

সিদ্ধান্ত ১: কর্মরত কর্মকর্তা-কর্মচারীগণের পেশাগত সুবিধাদি সংক্রান্ত আবেদন দ্রুত নিষ্পত্তির সর্বসম্মত সিদ্ধান্ত গৃহীত হয়।

সিদ্ধান্ত ২: বিদ্যুৎ বিল সংক্রান্ত বিষয়টি পরবর্তী মাসিক সভায় আলোচনা করা হবে।

সিদ্ধান্ত ৩: জেলা মৎস্য কর্মকর্তা, শেরপুর ইন্ডিলপূর মিনি হ্যাচারির অবকাঠামোগত সংস্কারের একটি প্রস্তাব/স্কিম প্রস্তুত পূর্বক উপপরিচালকের কার্যালয়, মৎস্য অধিদপ্তর, ময়মনসিংহ বিভাগ, ময়মনসিংহে প্রেরণ করবেন।

আর কোন আলোচনা না থাকায় সকলকে ধন্যবাদ জানিয়ে সভার সমাপ্তি ঘোষণা করা হয়।



২৯-০৩-২০২৩

মোঃ জাহাঙ্গীর আলম

উপপরিচালক

নম্বর: ৩৩.০২.৬১০০.৩০৮.৪৪.০০৭.১৯.১৪০

তারিখ: ১৫ চৈত্র ১৪২৯ বঙ্গাব্দ  
২৯ মার্চ ২০২৩ খ্রিস্টাব্দ

বিতরণ (জ্যেষ্ঠতার ক্রমানুসারে নয়):

১। জেলা মৎস্য কর্মকর্তা (সকল), ময়মনসিংহ বিভাগ এবং

২। সিনিয়র উপজেলা/উপজেলা মৎস্য কর্মকর্তা, সিনিয়র উপজেলা/উপজেলা মৎস্য কর্মকর্তার কার্যালয়.....  
ময়মনসিংহ/নেত্রকোণা/জামালপুর/শেরপুর।



২৯-০৩-২০২৩

মুহাম্মদ সালাহ উদ্দীন কবির

সহকারী পরিচালক